



UNIVERSITÄTS-
BIBLIOTHEK
PADERBORN

Jus Canonicum Ad Libros V. Decretalium Gregorii IX.

Huth, Adam

Augustæ Vindelicorum, 1732

41. De celebratione Missarum, & Sacramento Eucharistiæ & divinis officiis

[urn:nbn:de:hbz:466:1-63433](https://nbn-resolving.org/urn:nbn:de:hbz:466:1-63433)

dicto ab Episcopo, si Ecclesia fuit aliquando consecrata; qui & per se loquendo tum solus reconciliare eam potest. *c. 9. h. t.* per privilegium alii non Episcopi, uti Superiores Minorum & Societ. Si Ecclesia fuerit solum benedicta aut deputata tantum ad publicum cultum divinum, reconciliatur per aspersionem aquae lustralis, & non expectata Episcopi licentia, à quolibet simplici Sacerdote. *c. fin. h. t.* per solam tamen subsequentem Missae celebrationem Ecclesia non reconciliatur. Ratio, quia *c. 4. & 9. h. t.* praescribitur forma & modus Ecclesiam reconciliandi, nullibi tamen fit mentio reconciliationis per celebrationem Missae.

TITULUS. XLI.

De Celebratione Missarum, & Sacramento Eucharistiae, & Divinis Officiis.

Q. 1. *Quid sit Eucharistia, quae ejus materia, quae forma &c.?* *Resp.* 1. Eucharistia est Sacramentum Corporis & sanguinis Christi sub speciebus panis & vini ad spiritualem animarum refectioem divinitus institutum. Ita Cathol. omnes, explicantque hanc definitionem **TT.** 2. Materia hujus Sacramenti est panis triticeus & vinum de vite. *Florent. in Decret. Eug. & traditio perpetua Ecclesiae tum Latinae tum Graecae.* Panis iste convenientius ex mente Ecclesiae Latinae debet esse

esse azymus, quàm ex Græcæ fermentatus. Re-
 petitur ex *D. Thom. in 4. dist. 2. q. 2. a. 2.* &
 desumpta est ex *Matth. 26. & Marc. 14.* Vnde
 autem ob sacram significationem vi præce-
 pauxillum aquæ debet admisceri. *Flor. in Do-*
cret. Trid. Sess. 22. c. 7. 3. Forma consecra-
 tionis ad valorem Sacramenti necessaria & in-
 ficiens est: *Hoc est Corpus meum: Hic est sanguis*
meus; quia his verbis usus est Christus *Matth.*
26. Marc. 14. Luc. 22. 4. In Augustissimo E-
 ucharistiæ Sacramento verè, realiter, ac substan-
 tialiter præsens est corpus & sanguis Christi. Pa-
 tet ex promissione Christi *Joan. 6. caro mea*
est cibus, & sanguis meus verè est potus,
ergo non figuratè. Patet ex in-
 stitutione: *Hoc est Corpus meum,* ergo non he-
 ra Corporis. Patet ex PP. quorum plures
 est apud Bellarm. 5. Minister hujus Sacramenti
 quoad consecrationem est solus Sacerdos; quia
 Christus solis Sacerdotibus hanc potestatem con-
 fit *Luc. 22.* solus etiam Sacerdos ex officio
 ordinarius dispensator est hujus Sacramenti
28. de consecr. dist. 2. Trid. Sess. 22. c. 8. de Sacram.
Miss. Notetur c. omnis utriusque sexus, 12. de po-
nit. & remiss. & vid. Moralist. qui agere loquitur
 de *subjecto* Eucharistiæ. de dispositione tam cor-
 poris quàm animæ requisitâ ad hujus Sacramenti
 susceptionem &c.

*Q. 2. An Missa sit sacrificium, quæ & quibus
 obligatio sacrificandi? Resp. ad primum. Affirmative.*
 Missa est verum & propriè dictum Sacrificium
 sive

sive in Missa offertur Deo verè & propriè Sacrificium, èstque idem numero sacrificium crucis quoad substantiam rei oblatæ & principalem offerentem. Desumitur 1. ex eo, quòd Christus in ultimâ Cœnâ primus panem & vinum consecrando sacrificavit, ut impleretur figura *Gen. 14. v. 18. Melchisedech Rex Salem protulit, hoc est, obtulit panem & vinum; additur namque causa: erat enim Sacerdos Altissimi, & vaticinium Ps. 109. Tu es Sacerdos in æternum secundum ordinem Melchisedech.* ita sentiunt Ss. PP. apud Bellarm. præcepit autem Christus, ut & Apostoli illud facerent: *Hoc facite, ergo.* 2. Desumitur ex antiquissimis Liturgiis, ex CC. Nicæno primo, Lateran. sub Innoc. III. Flor. Trid. 3. Ex PP. antiquissimis Cyrillo, Ambrosio, Cypriano, Augustino &c. 4. Ex ipsa ratione, alias enim defacto nusquam sacrificium esset in Ecclesia Christi; deficeret inter actus Religionis perfectissimus; deterior esset conditio Ecclesiæ Christi, quàm ulla unquam alia Religio, quæ nunquam fuit sacrificio destituta. Effectus hujus sacrificii recenset Schmalzgr. *h. n. 24. ex Trid. Sess. 22. can. 3. de Sacrif. Miss.*

Resp. ad secundum 1. Probabilius est, Sacerdotem simplicem mortaliter peccaturum, nisi aliquoties in anno, puta 3. vel 4. in festis præsertim solennioribus sacrificium offerret. D. Thom. in 3. p. 2. q. 82. art. 10. & desumitur ex *Luc. 22. hoc facite in meam commemorationem.* Trid. Sess. 22. c. 1. de Sacrif. Miss. Beneficiati Curati, sive Parochi obligantur vel per se vel per alium omnibus

bus illis diebus sacrificare, quibus plebs illis habita tenetur audire Missam; quia hoc tum minus pastorale exigit, tum reditus & oblationes quas accipiunt; imò ex quadam decentiâ & consuetudine, si non ex præcepto, ut putant Serranus & Azor, semel atque iterum in septimana. Beneficiati non Curati toties, quoties vi fundationis exigitur; qui tamen hoc casu non possunt accipere stipendium pro suâ Missa, alii licitè regulariter. Colligitur ex 1. Cor. 9. Qualiter obligatus Parochus offerre Missam pro suis Parochianis, habet Reiffenst. *b. à n. 22.*

Resp. ad secundum 2. Uno eodémque die hoc non licet plures Missas celebrare. *c. 12. h. t.* inciditur solennitas Natalis Domini, ubi 3. Missæ legi possunt. *c. 3. h. t.* & in casu, quo ab aliquibus binari potest. Nec licet de jure communi celebrare ante ortum solis, nec post meridiem, nisi necessitas, dispensatio Episcopi, speciale privilegium, consuetudo legitima aliud permittat. De loco, ubi celebrare liceat, dictum est supra, & videri potest Pichl. *h. t. n. 4.* An & qualiter & à quo numerus Missarum ad minorem numerum reduci possit, habet *b. t. Leur. Q. 977.* Schmalzgr. *b. à n. 137.*

Q. 3. Quinam obligentur ad officium divinum & quomodo? Resp. 1. Ad officium divinum, quo nomine venit *Breviarium* sive *Hora Canonica*, indies recitandum tenentur omnes Clerici in majoribus constituti, licet sint suspensi, depositi, aut

degradati. *c. 1. & 9. h. t.* Religiosi (idem est de Monialibus) ad chorum professi, licet forte ex causâ à choro sint absentes; vi generalis consuetudinis Ordinum. Beneficiati, etiam tenue beneficium habentes. Latius Schmalzgr. *h. à n. § 1. 2.* Præter reatum gravem, quem incurrunt omnes, qui vel semel breviarium omittunt sine causâ, aut notabilem ejus partem, si *beneficiatus* post 6. menses ab obtento beneficio tali modo horas omiserit, *non facit fructos suos, & tenetur ad eorum restitutionem faciendam in fabricam vel pauperes pro ratâ temporis & officii omitti.* *Concil. Later. sub Leon. X. Sess. 9. § statuimus.* Pius V. in Bulla: *Ex proximo.* Alex. VII. in prop. 20. *damn.* Beneficiatus tamen Curatus non tenetur ad restituendos omnes fructus diei, quo omissem Breviarium, correspondentes, sed illos tantum, qui correspondent Breviario. Engel *h. n. 23.* 3. Modus recitandi Breviarium præscribitur in *c. 9. h. t.* plura Engel *à n. 27. h. t.* 4. Causæ excusantes à recitatione Breviarii sunt, *oblivio & incogitantia naturalis.* *Infirmitas* gravis, si absque magna difficultate vel periculo corporis recitari non possit; in dubio de sufficiente morbi gravitate standum est judicio Confessarii, vel prudentis & probi Medici. *Repentina & necessaria occupatio* vel ex officio vel charitate suscepta. *Dispensatio* vel Pontificis, vel impropria Episcopi, aut Superioris Regularis. *Impotentia recitandi.* ut cœcitas, defectus Breviarii, inculpabiliter amissi, si aliud haberi nequit. Qui

tamen non potest totum officium legere, tunc
ad partem. Innoc. XI. in damn. propos. 54.

TITULUS XLII.

De Baptismo & ejus effectu.

Q. 1. Quid sit Baptismus, quæ ejus necessitas materia & forma? *Resp.* 1. Baptismus verus scilicet, & proprius fluminis (de Baptismo enim loquitur scriptura de Martyrio, & fluminis, sicut de voto, quæ est contritio perfecta, nihil hic videtur dicere) est Sacramentum regenerationis per lavacrum aquæ in verbo vitæ. Ita Comm. ex Concilio Rom. Pii V. Joan. 3. v. 2. Ephes. 3. v. 26. Institutus ante Christi mortem, ut indicatur in de consecr. dist. 4. & coll. Joan. 4. Act. 19. Defacto necessarius est vel in re vel voto susceptus non tantum necessitate præcepti, sed etiam merito. Ita cum Ecclesia Trid. Sess. 7. can. 6. ex verbo Christi Joan. 3. v. 4. 3. Materia Baptismi est mota est omnis & sola aquæ naturalis, ut patet ex perpetua traditione & præxi Ecclesiæ, definitione Conc. Lateran. Flor. Trid. Sess. 7. can. 2. de Bapt. ipsisque Christi verbis Joan. 3. Materia proxima est ablutio per aquam, juxta illud Eph. 4. v. 26. mundans lavacro aquæ. 4. Forma Baptismi in Ecclesia latina est: Ego te Baptizo in nomine Patris & Filii & Spiritus sancti. desumitur ex Matth. 28. v. 19. quæ quidem explicita trium Personarum invocatio ad valorem est necessaria, coll. ex Act. 19. v. 2. Tradit. PP. ex quibus Ambr.